



MINISTERIO
Turismo y Salud Publico

Gobierno di Aruba
L.G Smith Blvd. 76
Oranjestad, Aruba
Tel. (297) 528 4900

Kenmerk : MT SP-196/23
Datum : MAR 10 2023
Aan : De Voorzitter der Staten van Aruba
dhr. mr. E.G.A. Vrolijk
d.t.k.v.: dhr. mr. H. Hek, griffier
L.G. Smith blvd nr. 72
Oranjestad, Aruba
Onderwerp : statenvragen statenlid dhr. M. Mansur
Bijlage(n) : onderliggende stukken

STATEN VAN ARUBA
Ingek: 10 MAR 2023
Volgnr: IS/571/22-23

[Handwritten signature]

Geachte voorzitter,

Verwezen wordt naar de statenvragen gedateerd 10 februari 2023 die ondergetekende op 15 februari 2023 onder nummer UV/22-23/12 4 is toegezonden.

Aangehecht doe ik u de antwoorden toekomen.

Hoogachtend,

Minister van Toerisme en Volkgezondheid

De heer Daanguillaume P. Oduber B.Ec.

1. Minister por comparti cu Parlamento cuanto arbeidscontractant tin na DVG actualmente y con esey ta compara cu ananan anterior cuminsando fe 2017?
2. Minister por comparti e funcie di e respectivo arbeidscontractantnan y na ki tempo esnan actual a wordo tuma den dienst?

(contesta riba 1 y 2)

E maneho di gobierno (y tambe DVG) ta, cu conforme e formatie rapport di cada departamento, dependiendo di e cantidad di vacaturanan y tambe presupuesto di personal di e departamento, un persona por wordo tuma como arbeidscontractant pa asina yena un vacatura. Persona nan cu un HBO diploma of WO'ers, despues di un (1) anja trahando a base di un arbeidscontract, por bin na remarca pa un vast dienst of aanstelling como ambtenaar. Pa persona nan cu un diploma di MBO of mas abow, esaki lo por bin na remarca pa esaki pero despues di tres (3) anja.

Na e momento nan aki tin shete (7) arbeidscontractant den servicio. Dos di nan ta den servicio desde 2017 di cual un (1) di nan tin un WO diploma. Dos (2) di nan ta den servicio desde 2018. Tres (3) desde 2021, di cual dos (2) tin un diploma di HBO of mas halto.

Entre awor y 2024 un total di 11 persona lo ta bayendo cu VUT.

Mi ta lamenta profundamente e insinuación sin base cu ta wordo haci pa sr Mansur riba maneho di personal pa crea un impresión totalmente erroneo cu no ta cuadra cu realidad.

3. Minister durante fin di anja nos fraccion a haya documento y a publica e gastonan exorbitante di e fiesta di fin di afia di AZ.V.

Sr. Mansur a haci e pregunta aki na director di AZV publicamente den diferente media den e luna di december 2022. Riba esaki AZV a duna un contesta amplio. Mester corda cu AZV ta un entidad independiente cu su mesun estructura di governance. Management (directie) ta responsabel pa gasto nan asina keda den cuadro aceptabel y ta responsabilisa nan mes na e Raad van Commissarissen.



No ta kita afor cu e director di AZV a muestra comprension pa e sentimento y reaction relaciona cu e evento en cuestion. Tin confiansa cu AZV den futuro lo tene cuenta cu esaki.

4. Minister por comparti cu Parlamento si e ta kere un fiesta na Renaissance Island di mas o menos AWG 50.000,- (incluyendo banda) ta apropiada pa un instancia manera AZV cu ta bezig ta implementa recorte?

Referi na contesta di pregunta 3.

Minister nos a bin compronde cu e excesonan na AZV nota limita na fiesta di fin di anja. Aparentemente AZV tabata tin un mesa VIP na fiesta di Kiwanis tambe. AZV a pidi pa e mesa ta anonimo, dus contrarie na otro negoshinan cu a cumpra un mesa VIP, AZV a stipula pa nan number no wordo desplega riba mesa.

5. Minister por comparti cu Parlamento si e ta kere cu ta apto pa un instancia manera AZV ta gastando placa di asegurado riba un mesa VIP na fiesta di Kiwanis?

No, esaki NO ta e caso. For di Bestuur di AZV a compronde cu e maneho di AZV no ta pa participa na fundraising asina. AZV no a cumpra carchi di e service club aki y esaki ta atrobe un ganjamento di parti sr Mansur. Esaki un biaha mas ta algo fabrica pa "purba" crea sensacionalismo pero ta nos deber pa coregi sr Mansur den esaki.

6. Si e contesta na pregunta 5 ta negativo, Minister por comparti cu Parlamento ki paso(nan) a ser tuma pa coregi e abuso(nan)?

Referi na contesta di pregunta 5. Mi NO ta considera como un abuso pa yuda un instancia cu ta pa un un bon causa cual ta yuda muchanan menos afortuna.

7. Minister por comparti cu Parlamento pakiko AZV kier a sconde cu nan a cumpra un mesa VIP na fiesta di Kiwanis door di no desplega number pa esnan presente por identifica e patrocinado?

Referi na contesta di pregunta 5. Si Sr Mansur tin e prueba cu AZV lo a cumpra tickets pa un mesa VIP di Kiwanis please publica esaki of comparti esaki cu nos.

Minister nos a reuni cu varios stakeholder cu tin reunion periodico cu AZV, tur e stakeholders nan ta indica cu Director Interino Jacobs casi nota atende e reunionnan aki. Algun a duna ehempel cu di 24 reunion ela atende unicamente 2.

8. Minister por comparti cu Parlamento si e ta kere ta importante pa Director Interino di AZV atende reunionnan cu stakeholders como parti di su trabao?

Maneho di AZV ta consisti di un Director y tres (3) divisie hoofden. E divisie Zorg tin su afdeling Zorg Contractering cu ta mantene e relacion y ta negocia cu e proveedor di cuidado (zorgaanbieders). AZV semper ta forma un team-entre nan semper un of mas divisie hoofden-pa atende reunion. Den caso cu e team no sali afor di un discucion cu e proveedor di cuidado, ta escala esaki cu Director di AZV. E manera di traha aki ta un asunto interno di AZV y no inusual pero mi a indica si cu e Director di AZV mester ta accesibel pa e dunadornan di cuidado, ora cu nan pidi pa su presencia especificamente.

9. Minister por comparti cu Parlamento si e ta kere atende 2 di 24 reunion ta un participacion aceptabel di parti e Director Interino?

Referi na contesta di pregunta 8.

Minister nos fraccion a ricibi rapport cu Director Interino di AZV ta biaha cu hopi frecuencia pa Colombia. Miranda e poco interes cu e tin den reuni cu stakeholdersnan local, nos ta interesa pakiko e interes grandi den bishita Colombia frecuentemente.

10. Minister por a comparti cu Parlamento cuanto biahe Director Interino a haci pa Colombia y e fechanan di dicho biahenan?

Irrespecto e hecho cu ta trata kinan di un asunto priva di e Director, mi por informa cu durante 2022, e Director a haci 5 viahe pa Colombia, di cual 3 tabata pa motibo personal (priva) y dos tabata pa motivo personal (salud). Durante e dos ultimo uitzending nan aki e Director a probecha di haci bishita nan na clinica nan cu AZV tin contracto cu nan y pa bishita algun patient di AZV.



11. Minister por comparti cu Parlamento e gasto di dicho biahenan pa Colombia y si tur ta wordo cubri pa AZV?

Referi na contesta riba pregunta 10.

12. Si acaso algun di e biahenan pa Colombia di Director Interino tabata riba su propio cuenta Minister por comparti e distincion, cua biahenan tabata personal y cua biahenan tabata riba cuenta di AZV?

Referi na contesta riba pregunta 10.

13. Miranda e excesonan demostra pa Director Interino den organisa fiesta di fin di aia, mesa VIP etc., Minister por comparti cu Parlamento ki control ta wordo eherce riba biahenan di Director Interino pa Colombia?

Referi na contesta riba pregunta 10.

14. Miranda e retonan grandi cu AZV ta enfrenta y e sucedidonan ariba menciona, Minister por confirma si ainda Director Interino Jacobs, ex-Parlamentario di partido MEP, ainda ta e persona cu Minister ta kere mester maneha tanto AZV y SVb simultaneamente?

Nos a yega di contesta e pregunta aki den Parlamento di Aruba. No ta promer vez cu sr Mansur ta ataca sr Jacobs di e forma aki. Sr Jacobs porcierto ta un professional Arubiano sumamente capacita di e forma cu nos ta considera NO correcto. Sr Jacobs no solamente tin nos confianza pero tambe ta gozando confianza di sector publico, priva y medico pa su conocimiento y experiencia. Mi ta haya e impresion cu Sr Mansur ta dirigi hopi atake contra e persona Jacobs y mi no por compronde ki e issue exactamente ta!

15. Si e contesta na pregunta 14 ta negativo, Minister por comparti cu Parlamento ki pasonan a wordo tuma pa remedia e situacion y duna AZV un director permanente cu e instancia merece (preferiblemente di sector priva y no ex-politico)?



Ningún paso lo wordo tuma y manera indica sr Jacobs a demostra e capacidad cu por maneha e dos instancianan aki sin problema.

Mirando cu fiestanan di fin di ana di sector publico y semi-publico ta un area cu te ainda nota regula, e posibilidad pa abuso cu fondonan publico ta existi manera a ser demostra na AZV.

16. Minister por comparti e gastonan completo di tur fiesta di fin di anja pa su Ministerio, departamentonan, instancianan y cualkier otro entidad cu ta cay bao Minister su responsabilidad pa separa incluyendo p.e. SVb?

Cada anja parlamentario nan ta haya e verantwoording den e jaarrekening. Ministerio no a haci uzo di su presupuesto pa celebracion di fin di anja. DVG a a tene un actividad di fin di anja como teambuiding pa tur e departamento nan di DVG. Na e ocasion aki a reconoce jubiliario nan cu durante Covid no por a tuma lugar y tambe a gradici e input incansabel di e trahador nan di DVG durante e pandemia.

Mescos cu AZV, SVb tambe ta un entidad independiente cu su mesun estructura di governance.

17. Minister ta kere cu ta importante pa gobierno regula e fiestanan di fin di ana door di establece un suma maxime pa cabes cu por ser gasta?

Mi ta comparti sr Mansur su preocupacion.

18. Minister lo duna su apoyo na un inciativa pa limita exceso y/of abuso den organisacion di fiestanan di fin di aña di sector publico y semi-publico?

Si, lo mester limita exceso pero mi no ta considera tene un celebracion pa empleadonan cu a traha hopi duro henter anja na bienestar di nan compania como un abuso.

